



MENTERI PENDIDIKAN ENCIK CHAN CHUN SING: Sekitar 20 peratus hingga 25 peratus tenaga pekerja tempatan Singapura mungkin perlu mempertingkatkan kemahiran setiap tahun. - Foto BH oleh GAVIN FOO

Sistem pendidikan perlu liputi peluang timba ilmu sepanjang hayat: Chun Sing

► **SHAHIDA SARHID**
sshahida@sph.com.sg

RENTAK meraih kemahiran dan pengetahuan baru perlu dipertingkatkan sedang warga Singapura berdepan hakikat perlu bertukar kerja setiap lima tahun, kata Menteri Pendidikan, Encik Chan Chun Sing.

Beliau menambah sekitar 20 peratus hingga 25 peratus tenaga pekerja tempatan Singapura yang merangkumi sekitar tiga juta orang, mungkin perlu mempertingkatkan kemahiran setiap tahun, iaitu sekitar separuh juta pekerja dewasa setiap tahun.

Untuk melakukan demikian, definisi kejayaan bagi sistem pendidikan perlu berubah, kata Encik Chan dalam satu ucapan di Forum Pendidikan *The Straits Times* 2022, dengan kerjasama bersama Universiti Pengurusan Singapura (SMU) secara hibrid, semalam.

Presiden SMU, Cik Lily Kong dan Encik Andreas Schleicher, yang merupakan pengarah bagi pendidikan dan kemahiran serta penasihat utama dasar pendidikan kepada Setiausaha Agung di Pertubuhan Kerjasama dan Pembangunan Ekonomi, juga telah mengambil bahagian dalam satu perbincangan ber-

sama Encik Chan semasa forum itu, membincangkan tentang masa depan universiti.

Menerangkan, Encik Chan berkata sistem pendidikan terutama universiti perlu berubah, bukan sekadar memberikan respons dan reaksi tetapi juga menjangkakan, menyesuaikan diri dan mara ke hadapan.

“Definisi kejayaan bagi sistem pendidikan kita tidak boleh sekadar sejauh mana kita bersedia mempersiapkan kohort sebanyak 30 hingga 40 ribu pelajar setiap tahun bagi pasaran buruh.

“Sepatutnya ia adalah sejauh ma-

na baik kita dapat melakukan demikian serta latihan dan peningkatan semula bagi sekitar setengah juta pelajar dewasa setiap tahun,” kata Encik Chan.

Ini boleh dilakukan dengan memastikan pembelajaran berterusan selain melepaskan diri daripada idea bahawa terdapat laluan yang telah digariskan untuk mencapai kejayaan.

“Kejayaan tidak pernah statik. Kepentingannya berkurangan berhubung bilangan pelajar dalam sesebuah kohort yang beralih ke universiti dan politeknik atau Institut Pendidikan Teknikal.

“Apa yang menjadi lebih pen-

ting, ialah bagaimana pelajar kita boleh meraih ijazah sarjana muda, diploma, diploma siswazah dan juga modul bertindan dan sijil pen-
tauliah mikro sepanjang dan pada saat relevan kehidupan mereka untuk memenuhi keperluan kehidupan yang kerap berubah,” ujarnya.

Beliau turut menambah bahawa kemahiran dan pengetahuan perlu digabungkan untuk mewujudkan nilai dalam pasaran yang kian berubah.

Di samping itu, Encik Chan berkata sistem pendidikan perlu mengurangkan masa untuk memasarkan kemahiran dan pengetahuan.

■ **Laporan lanjut – Muka 7**